

կրնքին զօրկուս եւ ահագին շառաչով փրուսմ : Իսկ Մաշթոցը նայում է . նայում է փոսփորէ իր աչքերով Լենինին :

Ահ, Լենինը վաղուց մումիա է : Հրաշալի եզրագոտս՝ տաճ երկիր : Մտքիս մէջ, մեծ վէրքի նման բացուում է Հերոզոսի այն էջը, ուր նա պատմում է, թէ ինչպէս տաճարների մօտ, հրեշաւոր մումիա պատրաստողները գեղեցիկ աղջիկների թարմ դիակների հետ նախ գուգուում էին :

Մարմինս զարարում է : Զգում եմ սառը դիակների դարչելի շօշափումը : Ակուսներս կոճատում եմ . շրթունքներս մէջ կապոյտ մի արիւն ասեղներ է ծակծկում :

Քիչ յետոյ, մեծ մի թմբութիւն ծածկում է ինձ իր վերարկուի տակ : Պատկերները, ձայները, Լենինը եւ Մաշթոցը մտնում են բամպակէ մի ամպի մէջ : Բիբերիս առջեւ սրածայր լոյսեր են լողում : Սուլ մի աշխարհում անհանգիստ ձիեր ամբակները դեպիս են դարնում :

Աչքերս բաց եմ անում ու նախ ոչինչ չեմ նշմարում : Սենեակի միւս անկիւնում մի մօմ է փառուած, որի գողգողացող լոյսի շուրջը սեւ ստուերներ են շարժուում : Յած ձայնով խօսակցում են : Դուռը կիսաբաց է . մի աքլոր երգում է :

Երեւի Լուկաշինն է, գնում է Զանգեզուր :

Բայց աչքերս յողնած են, փակուած են : Խոր մի ձորի մէջ նստած նայում եմ լեռներին : Ամպերը դիտաւել են բարձր գագաթները : Այնքա՛ն բարձր, այնքա՛ն բարձր . . . Երկինքը ցցուել է անասելի հեռուներում . բոլորովին անջատուել է երկրից եւ՝ երբ նայում եմ, չունչս կտրուում է : Ահա ձորի միջից ձիաւորների մի խումբ է անցնում : Ըերմակ, անհանգիստ ձիերի վրայ նստած վիթխարի ասպետներ : Մեծ փափախներով, սեւ եւ երկար եսփունջիներ ուսերին :

Երկինքը կապոյտ է, իսկ դեղնագոյն, ամեհի լեռները ձիւնով են ծածկուած : Օձապրտոյտ կածանի վրայից ձիաւորների խումբը բարձրանում է վեր : Ասպետները մտահոգ նայում են իրենց շորս կողմը եւ ձեռքերի շարժումով խորհրդաւոր նշաններ անում :

Հասկանում եմ : Գնում են Գրաալի սկիհը փնտռելու :

Գրաալի սկիհը :

Զանգեզուրը երկրագնդի վսեմ մտքերից մէկն է եւ բնական է, որ այդ գաղտնիքը ծածկուած լինի այնտեղ : Ուր կայ միտք՝ կայ եւ գաղտնիք :

Ուր կայ միտք՝ կայ եւ գաղտնիք :

Տուէք բանային պղնձէ դրան —

Պիտի գան .

Պիտի գան շուտով ասպետներ

Հարաւի կողմից ,

Պիտի որոնեն

Խորհուրդ եւ նշան :

Ըերմակ ձիերը անհանգիստ են . թափահարում են իրենց գլուխը, առաջի ոտքերը վեր բարձրացնում եւ կատաղի վաղում դէպի վեր, դէպի վեր . . . Ամպերը չունի վրայ կախուած մեծ սաւանների նման, քամիի շնչի տակ, ուռչում են, տատանուում, ծալուում, փուլում : Կապոյտ երկնքի վրայից սպիտակ ստուերներ են անցնում : Լեռները սկսում են շարժուել, եւ ձիաւորների խումբը քանի գնում այնքան աննիթանում է, դառնում է օղային, վեր է ածուում ամպի եւ լայն թեւեր առած թռչում է երկնքի է՛ն բարձր կողմում :

Իսկ ձորը ճնշում է ինձ : Կրծքիս վրայ մեծ մի քար են գրել եւ չգիտեմ՝ ո՞վ ոտքերս ու ձեռքերս սեղմում է :

Աչքերս բաց եմ անում : «Ոտքի՛ ել, — ասում են, — ամէնքս պատրաստ ենք, գնում ենք» :

* * *

Կուչ եմ գալիս կառքի մի անկիւնում : Նոր Բայազետը, հնապաճառի մօտ գնած գրքի միջից հինաւուրց, դեղնած մի նկարի նման, վայր է ընկնում աչքերիս առջեւ :

Հողիս թառել է սեւ մի մեղամաղձութեան մէջ :

Մարմինս կոտրտուած, ուժասպառ, կարծես ամէն կողմից խոր վերքերով է ծածկուած : Ամենափոքր շարժումը ցաւ է պատճառում :

Երբ հասնենք նաև՝ արեւը կը ծագի : Երբեք այդքան ջերմութեան պէտք չեմ զգացած : Միթրայի ջերմաջերմ կրօնքը մարմնիս մէջ տենչում է եւ աղօթում : Արե՛ւ, արե՛ւ :

Դաշտանկարը խարխուլ կառքի հետ ծըռուում է, բարձրանում ու յանկարծ աղմուկով